

LIBRARY
OF THE
UNIVERSITY OF CHICAGO

MEMORIAM ANNIVERSARIAM

DEDICATAE

ANTE HOS CCLXXXV ANNOS

SCHOLAE REGIAE AFRANAE

D. III. IUL. CIOIDCCCXXVIII.

M. L. Q. C.

PIE CELEBRANDAM

INDICIT

M. IOANNES THEOPHILUS KREYSSIG,

ILLUSTRIS SCHOLAE AFRANAE PROFESSOR SECUNDUS.

Commentationis de C. Crispi Salustii Historiarum Lib. III. Fragmentis, ex bibliotheca Christinae, Suecorum Reginae, in Vaticanam translatis, Pars I.

M I S E N A E,

EX OFFICINA KLINKRIEHTIANA.

*Quis est tam lynceus, qui in tantis tenebris
nihil offendat? nusquam incurrat?*

CICERO.

COM M E N T A T I O N I S
DE
C. SALUSTII CRISPI
HISTORIARUM LIB. III. FRAGMENTIS,
EX BIBLIOTHECA CHRISTINAE, SUECORUM REGINAE,
IN VATICANAM TRANSLATIS,
P A R S I.

Quae ante hos decem et septem annos, instituti ratione proposita atque opusculi specimine dato¹⁾, cum Fragmento Liviano, quod a Brunsio, Invenatio et Niebuhrio ex codice Vaticano eoque palimpsesto erutum denuo nuper cum integris Livii libris evulgavi, editurus eram C. Salustii Crispi²⁾ Historiarum Lib. III. Fragmenta, ea nunc peculiari libello, ne nimiae cunctationis reus agerem et virorum doctorum expectationem destituisse viderem, non solum multo pleniora atque emendatiora, quam olim potuissem, sed etiam in iustum ordinem redacta exhibere placuit. Priusquam autem ad rem ipsam accedimus, operae pretium fuerit diligentius docere, quo tempore et qua ratione haec Salustii Historiarum fragmenta, quae partim minus lacerata per duo ferme saecula cum dimidio in compluribus operum Salustiano-

1) Vid. Acta Seminarii Regii et Societatis Philologicae Lipsiensis, Vol. II. Part. II. p. 432. sqq. et p. 545. sqq. atque nostram Epistolam ad Goellerum, p. 472. sqq.

2) Vulgarem nominis et cognominis ordinem mutandum atque pro Sallustius, quod adhuc obtinuit, Salustius scribendum esse, argumentis idoneis comprobavit Gerlachius in sua operum Salustianorum editione, quae Basileae a. 1823. et 1827. prodit, Vol. II. Part. I. p. 2. sqq.

rum editionibus austarii loco ceteris adiecta reperiuntur, partim magis mutilata per satis longam annorum seriem vix uni et item alteri, quorum infra mentio habebitur, innotuisse videntur, partim misere discissa et quasi dilaniata nunc demum editis adduntur, ex bibliothecarum latebris in lucem protracta sunt, ac de externa pariter atque interna eorum indole accuratius exponere³⁾.

Ac primum quidem Ianus Douza sive Dousa saeculo sexto decimo exeunte tria horum fragmentorum, quae in hoc libello primum, quartum et septimum locum obtinent, ex vetustis et Servianis Petri Danielis schedis, ut obscuris et ambiguis Dousae verbis utar, Lutetiae Parisiorum descripta atque ab Andrea Schotto ad Iustum Lipsium gratificandi causa Lugdunum Batavorum transmissa cum adnotationibus criticis edidit et Salustio iure meritoque vindicavit⁴⁾; confidentius hac de re pronuntiaturus, si locum: *Ac statim fugitivi contra praeceptum ducis rapere ad stuprum virgines matro-*

3) Cf. Charles de Brosses Histoire de la République Romaine, dans le cours du VII^e. siècle; par Salluste. A Dijon, 1777. Tom. II. p. 146. sqq. sive Vol. III. p. 347. sqq. ex Schlüterii translatione, ubi tamen a Brossio, id quod ex sequentibus apparebit, alia praetermissa, alia falso prodita sunt.

4) In libello rarissimo: Iani Douzae, Nordovicis, ad C. Sallustii Crispi Historiarum libros Notae: cum luculenta Fragmentorum aliquot accessione hactenus non editorum. Antverpiae, 1580. quem Heynius olim ex bibliotheca Gottingensi mihi subministravit, p. 50. haec leguntur: „Fragmenta tria, quae promissi exsolvendi [sc. causa, quod saepe „omitti docuit Schwebelius ad Lamb. Bosii Ellip. Grr. p. 707. sq. ed. Schaeff.] deinceps „sum subiecturus, ex vetustis et Servianis doctissimi Petri Danielis schedis, necdum publicatis, Lutetiae descripta atque inde porro ad C. V. Iustum Lipsium ab adolescente „lectissimo, Andrea Schotto, gratificandi causa Lugdunum nostram transmissa, alius „neminis, quem Sallustii esse, quovis pignore contendere ausim. Cui rei argumenta primo „stylum dico, quem ego adeo omni ex parte Sallustiano dicendi generi respondere, pro- „bare posse videor, ut lac lacti similis esse non queat: deinde servillis belli tractatio- „nem, quam Sallustium in his Historiarum suarum libris executum esse, quum ex ali- „quot superioribus fragmentis, tum vero ex Ausoniana illa duodecim annorum computa- „tione [Idyll. XXXII, 62. sqq.] ita examussum compertum iam pridem atque exploratum „habemus, ut aatisacceptione nobis eius rei causa opus non sit. Absessent tantum caecae „liturae illae, tot barbariae mendis ac maculis coopertae, quibus ipse, hercule, eluen- „dis sat esse non possum. Neque enim fullonicam didici. Proinde uti easpe exarata ac- „cepi, ita repraesentabo. Ceterum fides sit penes exscriptores.“

pasque, quem Nonius Marcellus 5) *ex tertio Salustii Historiarum libro protulit et Dousa ipse fragmentum septimum praecessisse recte suspicatus est, extremam fragmenti sexti particulam esse intellexisset* 6). Ex hoc autem fonte parum limpido illa ipsa, quae Dousa primus divulgavit, fragmenta in permultas operum Salustianorum editiones ita derivata sunt 7), ut partim ad Dousae coniecturas refingerentur, partim aliis modis interpolarentur: quod

- 5) De proprietate sermonis, cap. 6, 44. in Auctoribus Latinae linguae cum notis Dion. Gothofredi. Genevae, 1585. p. 741. sive p. 456. ed. Mercer. quae Lipsiae a. 1826. repetita est. Quum alia, quae supersunt, operis Salustiani fragmenta perspicue doceant, Salustium belli servilis, quod Spartacus concitavit, historiam libro tertio comprehendisse, nullius fere momenti est auctoritas codicis, quem in Nonii Marcelli loco Sallust. Hist. lib. III. pro Sallust. Hist. lib. III. exhibere monuit Lud. Carrio in Scholiis in Sallustii Historiarum libros. Antverpiae, 1579. p. 210.
- 6) Brossium Dousae libello caruisse, vel ex iis apparet, quae Tom. II. p. 147. de Dousa, cuius prologum recentiores quaedam Salustii editiones in breve coactum exhibent, hunc in modum scripsit: „Il ne joignit même aucunes notes ni corrections aux trois pages qu'il imprimoit; se contentant de dire là-dessus, qu'il n'étoit pas assez adroit pour rendre „le lustre à une étoffe si tachée. Tôt mendis ipse eluendis sat esse non possum; neque enim fullonicam didici. Uti eapse exarata accepi, ita repraesentavi. C'est probablement pour cette raison, qu'il n'a donné que trois des „six pages, et qu'il a négligé de faire imprimer les trois autres, comme plus défectueuses encore.“ Dousam enim sexti saltem fragmenti et haud dubie secundi quoque ac tertii apographum a Lipsio non accepisse, ex eius adnotatione ad fragmentum septimum perspicue intelligitur.
- 7) Hoc plerumque lemmate praefixo: „Hactenus Fragmenta florentissimi rerum Romanarum „scriptoris, quae exstare putamus. Cetera quae sequuntur, in Ms. Servio legi auctor „est V. Cl. Andreas Schottus. Fides sit penes ipsum: sane in optima illa Honorati editione nuper a Petro Daniele IC. procurata non comparent. Corruptissima sunt, et medicinam contulit V. N. Janus Dousa, quem vide in Fragmenta Sallustii.“ Ita quidem in editione Putschiana paullo post commemoranda p. 191. legitur: in aliis editionibus nonnulla sunt omissa. Similiter etiam Brossius Tom. II. p. 146. de iisdem fragmentis: „Ils „furent trouvés, inquit, à la bibliothèque du Roi dans le seizième siècle, et, à ce qu'il „semble, avec un manuscrit du Commentaire de Servius sur Virgile. André Schott en „envoya une copie à Leyde à Juste-Lipse, pour être jointe à une nouvelle édition de „Servius, que Pierre Daniel préparoit alors; et dans laquelle néanmoins ces fragmens ne „se trouvent pas.“ Quantomore autem obscura Dousae verba: ex vetustis et Servianis Petri Danielis schedis, quibus non ipsos Servii commentarios, sed codicis antiqui Historias Salustianas olim complexi reliquias cum manuscriptis Servii commentariis

utrum in editione Putschiana⁸⁾, quae Lugduni Batavorum a. 1602. prodixit, an alia antiquiore primum fuerit factum, id quidem non habeo dicere, atque ab aliis certiora edoceri cupio. Post Doussam, septuaginta circiter annis interiectis, Isaacum Vossium⁹⁾, quum codices Petavianos, a Christina, Sueciae regina, cum aliis coemptos, Holmiae pervolutaret, in eadem Sallustii Historiarum fragmenta incidisse, et ipse olim in libello huius opusculi praenuntio¹⁰⁾ suspicatus sum, et Christophorum Saxium¹¹⁾ ante me idem esse auguratum, postea non sine summa voluptate intellexi, quum eventus

repertas significari, Brossius ibidem bene demonstravit, viris doctis imposuerat, ex sequentibus apparebit.

- 8) Ebertus saltem in Lexico Bibliographico, Vol. II. p. 695. No. 2008. huius editionis titulo verius forsitan, quam accuratius, haec adscripsit: Die Fragmente sind aus dem Servius vermehrt.
- 9) Is enim in epistola ad Nic. Heinsium, Holmiae a. d. IV. Id. Iul. a. 1651. data, quae Burmanni Syllogae Epistolarum a viris illustribus scriptarum, Tom. III. p. 619. inserta legitur, haec scripsit: „Porro in hac nostra Petaviana multa et Aldhelmi, et similibus auctorum scripta exstant inedita. Sed nondum otium fuit illis pervolvendis: hactenus enim melioribus, ut mihi quidem videtur, vaco. Et sane nullus transit dies, quo non aliquid sese offerat novi. Hoc ipso die, quo haec scribo, incidi in duo folia stupendae antiquitatis, quae postquam diligentius adspexi, statim conieci esse fragmenta deperditarum Sallustii Historiarum. Continent illa bellum servile Crisi et Spartaci. Non potuisset vel tu vel alius in lacrimas me pronior siccis ea oculis intueri. Attamen non ideo minus dolui. Et sane quis non doleat et indignetur tam divini auctoris tem laceras, videre reliquias? Forsan [Scr. Forsitan et vid. Wyttenbachii Opuscul. selectt. ed. Friedmann. Vol. I. p. 327. sq. nostrasque Adnotatt. ad Hirt. Bell. Afr. cap. 45.] ante pauca saecula delirus aliquis bibliopola, ut missalia aliasve vestiret ineptias, totum consumpsit opus, paucaque haec nobis reliquit, non tam solatio, quam maerori.“
- 10) Ita inscripto: C. Crispi Sallustii Historiarum Lib. III. Fragmentum cum quinque aliis in bibliotheca Parisiensis olim repertum. Schneebergae, 1811. in quo p. 4. loco ex Is. Vossii epistola excerpto haec adieci: „Quibus quidem verbis, in Fabricii Biblioth. Lat. Lib. I. cap. 9. Tom. I. p. 239. ed. Ern. laudatis, nostra fragmenta innui, haud multum abest, quin mihi persuadeam.“
- 11) Hic enim in Onomastico Literario, Part. I. p. 166. „Hac opportunitate data, inquit, praeterire non possum, quae memini me legere in Isaac. Vossii Epistola LIV. ad Nic. Heinsium p. 619. Tom. III. Syllogae Burmann. cum inter Petavianos codices, quos Christina, regina Sueciae, emerat, reperisse duo folia stupendae antiquitatis, quae

opinionem nostrae egregie respondisset. Triennio post¹²⁾ Ioannes Freinshemius, quem cum Vossio Holmiae in aula Christinae aliquamdiu vixisse maximeque huius reginae gratia floruisse constat, et Saxius id, quod erat, suspicatus iisdem foliis, in quae Vossius se incidisse narrat, usum esse existimavit¹³⁾, quinque horum fragmentorum, quae in hoc opusculo primum, secundum, quartum, sextum et septimum locum occupant, passim correctae ac resartae, et minutae tertiæ particulae Supplementis Livianis a se concinnatis inseruit¹⁴⁾ simulque, has operis Salustiani reliquias ex Bibliotheca Regia, non Parisiensi, quae Bimardi, Brossii, Gerlachii aliorumque fuit opinio, sed Holmieni, id quod ex sequentibus apparebit, depromptas esse, in libri margine adnotavit¹⁵⁾. Denique, annis octoginta amplius elapsis, Iosephus de

„quum diligentius adpexisset, statim coniecisse, esse fragmenta deperditorum Sallustii „Historiarum: continuasse enim bellum servile Crixii et Spartaci. Ea autem folia, quoad „argumentum, schedis Jac. August. de Chevanes, Icti quondam Divioniensis, examassin „respondere videntur.“

- 12) Supplementorum Freinshemianorum pars secunda, quae Lib. LX. cap. 5-10. haec Sallustii fragmenta continet, biennio post auctoris obitum prodit cum prima iterum edita, hoc titulo praefixo: Supplementa Liviana. Auctore Ioh. Freinshemio. Argentorati et Francofurti, 1662. At Freinshemium iam a. 1654. non Argentorati, ut Brossius ait, sed Vormatiae hanc operis praecleari partem absolvisse, post Douiatium docuit Crevierius Tom. I. p. 654.
- 13) Onomast. Literar. Part. I. p. 168. ubi: „Saltem iisdem fragmentis, inquit, in quae „Vossius se incidisse narrat, etiam Freinshemius usus esse videtur. In margine enim „§. V. attestatur Sall. Fragm. ex Biblioth. Reg. quibus notis significari posse puto „Bibliothecam Reginae Christinae.“ Quod quidem ille verissime monuit.
- 14) Vid. Supplem. Freinshem. Lib. LX. in locum Liv. XCV. cap. 5-10. Tom. IV. p. 672. sq. ed. Douiat. sive Tom. IV. p. 722. sqq. ed. Crev. sive Tom. VI. p. 360. sq. ed. Drak. sive Vol. IX. p. 373. sqq. ed. Bipont. sive Tom. X. p. 278. sqq. ed. Lemar. sive Tom. XIII. p. 338. sq. ed. Stutgard.
- 15) Quum Freinshemius non solum cap. 5. Sallust. Fragm. ex Biblioth. Regia, sed etiam cap. 9. Sallust. Fragm. adscripsisset, Crevierius verbis: Multa demum lux aperuit etc. hanc subiecit adnotationem: „Haec et quae sequuntur usque ad finem capituli, itidemque paucula quaedam ex ea narratione, quae praecessit de eluso Spartaci „fraude Varinio, undenam sumpserit Freinshemius, nulla diligentia reperire potuimus; „nec quicquam omnino de hoc Spartaci facto in Sallustianis Fragmentis exstat, quae tam „men hic in editione Douiatiana ad marginem allegantur.“ Haec ille, quum Muratorii

Bimard la Bastie, Baro Montis Seleuci, quum haec ipsa Salustii Historiarum fragmenta, quae ab aliis iam pridem evulgata esse ignorabat, monummenti antiqui¹⁶⁾, siue annalium maximorum, siue librorum linteorum, Romae in aede Monetae adservatorum, particulas esse, perquam ridicule opinaretur¹⁷⁾, eorum exemplar, inter schedas Iacobi Augustini de Chevannes, Iurisconsulti quondam Divionensis, cuius bibliotheca Thomae d'Isan hereditate obvenerat, a. 1728. repertum, summa, ut ait, fide exscripsit atque octo post annis Mutinam ad Muratorium misit, qui illud, nihil fraudis subesse ratus, cum Bimardi dissertatione in Thesauri suo veterum Inscriptionum reposuit¹⁸⁾. Postea tamen Bimardus ipse, quum tria horum fragmentorum a Dousa iam dudum edita fuisse intellexisset, de iisdem vero ceterisque Freinsheimii Supplementa Liviana non consulisset, erroris vanitatem ita confessus est¹⁹⁾, ut Salustii haec esse denuo negaret atque codicem

Thesaurus Inscriptionum necdum Lutetiam Parisiorum esset perlatus, de re tum quidem obscura, nunc tamen manifesta scripsit. Vid. Adnotatt. ad Fr. III. lin. 3.

- 16) Bimardi errorem, quod mireris ac paene indigneris, suscepit Io. Aug. Ernestius in Ind. Hist. ad Cic. s. n. P. Varinius: cumque Rupertius in Comment. ad Liv. Epit. XCV. secutus est. Uterque enim operis Salustiani reliquias fragmentum antiqui monummenti, in quo historia belli servilis descripta fuit, appellare non dubitavit, et Schützius quoque Tom. XIV. p. 414. haec intacta reliquit.
- 17) In Muratorii Thes. vett. Inscriptt. Tom. I. p. 4. „Annalium maximorum, inquit, aut „librorum linteorum pars quaedam fuisse videntur fragmenta Chevaneae; qua gesta anni „u. c. 680. adversus servos fugitivos fuse enarrabantur.“ Quae quidem quam falsa sint atque inepta, manifestum est ex loco Cic. de Orat. II, 12. cui Bimardus, ut Ciceronis auctoritatem opinionis suae vanitati praetenderet, ibidem haec subiunxit: „Quamvis autem desuisse innuat Cicero post P. Mucium, pontificem maximum, id est anno u. c. 623. „usum, annales in domo pontificis maximi publice proponendi, attamen fieri non desierunt, et in libris linteis, sicut antea, scribebantur.“ Hoc unde rescierit, nemo facile dicat. Cf. Io. Aug. Ernestii Excurs. I. ad Suetonii Caesares, Vol. II. p. 307. sq. ed. Wolf. Dav. Ruhnkenii in Antiquitates Romanas Lectiones Academicae, editore H. C. A. Eichstadio, Part. IV. Ienae, 1822. p. 14. et Fr. Lachmanni Comm. I. de fontibus Historiarum T. Livii. Gottingae, 1822. p. 12. sq.
- 18) Novus Thesaurus veterum Inscriptionum in praecipuis earundem collectionibus hactenus praetermissarum, collectore L. A. Muratorio. Mediolani, 1739-42. Tom. I. p. 1. sqq. haec Salustii fragmenta cum Bimardi dissertatione complectitur.
- 19) In Bimardi Praefatiuncula de Addendis, Mutandis atque Corrigendis in suis Disserta-

Puteaneum, in bibliotheca Joly de Fleury adservatum, qui cum multis aliis inscriptionibus haec ipsa fragmenta quoque ex schedis Chevaneis edita contineat, conjecturae olim propositae suffragari diceret. Quemadmodum autem tria illa fragmenta, quae Douzam primum publicasse supra diximus, per multis operum Salustianorum editionibus adiecta sunt, ita eadem cum tribus reliquis, quae a Freinshemio et Bimardo evulgata esse vidimus, a Carolo de Brosses in Historia reipublicae Romanae ²⁰⁾ cum Freinshemii plerumque

tionibus, quae in limine Tom. II. Thesauri Inscriptionum a Muratorio editi reperitur, haec exstant: „Sed praeter operarum *σφάλματα* nonnulla peccavit auctor, quae fateri mavult, quam deprecari aut excusare. Ac primo quidem e sex fragmentis ad bellum servile spectantibus, quae ipse tanquam inedita protulerat initio Epistolae ad Cl. Muratorium, tria iam a saeculo et quod excurrit prodidiisse agnovit ad calcem fragmentorum ex Sallustii Historiarum libris excerptorum. Ea vero sunt quae in laudata Epistola primum, quartum, quintumque locum occupant; reliqua tria nullibi hactenus in libris editis reperiri potuerunt. Fragmenta iam edita Andreas Schottus ex codice Petri Danielis, qui Servii in Virgilium Commentarios complectebatur, descripta communicavit cum Iano Douza; iste vero statim ipsis auctorem tribuit Sallustium, nullo alio ductus argumento, praeterquam quod in Sallustii Historiis belli servilis gesta enarrabantur. Bimardus contra fragmenta quum in schedis Chevaneis reperisset exarata maioribus elementis, ea habuit pro particula magnorum annalium librorumve linteorum. Atque huic conjecturae suffragari videtur codex Ms. num. 461. e Puteaneis, qui nunc exstant in bibliotheca V. Cl. Domini Joly de Fleury, in Senatu Parisiensi Regii Procuratoris. Hoc codice continentur inscriptiones bene multae, quas Romae summa diligentia collegerat alter et fratribus Puteaneis, easque inter leguntur eadem fragmenta, quae hic ex Chevaneis schedis edita sunt. Quapropter minime crediderim, illa ex Sallustii Historiis decerpta fuisse, quum et ubique inscriptionum more exarata sint, et nullibi in Sallustii codd. Mss. reperiantur. At sive Sallustium auctorem agnoscere debeant, sive alium belli servilis scriptorem coaetaneum, aut denique pro tabulis habeantur e naufragio, quod passi sunt annales maximi, residua; nobiscum accessione fruatur aequus Lector, nostrisque ad ea *λείψανα* observationibus faveat, si ita merita sint.“ Ad haec Saxius, Bimardum iure meritoque refutatur, Onomast. Literar. Part. I. p. 168. „Primum enim, inquit, vana negentis ratio est, ideo sextuplex istud fragmentum ex Sallustii Historiis decerptum esse videri, quod maioribus elementis, et ubique inscriptionum more exaratum sit, et nullibi in Sallustii codd. Mss. reperitur. Imo legatur ipse Douza ad istud fragmentum p. 1013. ed. Cort. deinde nego reliqua tria nusquam alibi lecta fuisse. Omnes enim illa quantavis praetiti Supplementi Livii Freinshemiana Lib. XCV. §. IX. et X. inspicere iubeo, ubi totidem paene verbis describuntur.“ Rem totam conficit Nonii Marcelli testimonium, supra not. 5. prolatum, quo Saxius in vana Bimardi sententia refellenda uti debebat.

20) Brossii Histoire de la République Romaine etc. Lib. III. cap. 63. 65. 67. 68. 71. et 72. at-

supplementis ex Latino in Gallicum translata et in fragmentorum Salustianorum editione, quae post Brossii excessum prodit²¹⁾, ex Muratorii Thesaurο ceterisque exemplis, subiecta lectionis varietate, diligenter admodum exscripta, atque ex hac, quam Gerlachius²²⁾ quoque et Frotscherus acuti sunt, a Schlüttero in vernacula operis Brossiani interpretatione²³⁾ aliquanto negligentius repetita reperiuntur.

Quae quidem praesidia quum ad laborem profligandum atque conficiendum iam dudum comparassem, sed rem totam in tanta errorum varietate et opinionum diversitate ad liquidum confesumque perducere posse desperarem, abhinc annis undecim necopinanti mihi adfertur Niebuhrīi epistola, Romae a. d. VI. Calendas Apriles a. 1817. data, in qua ille mihi perquam benevole significavit, se in ea bibliotheca Vaticanae parte, quae Bibliotheca Alexandrina seu Reginae Suecorum vocetur, reperisse illas ipsas schedas antiquissimas, ex quibus Salustii Historiarum fragmenta, quae in Muratorii Thesaurο legantur, ab aliis transcripta et edita sint, simulque horum fragmentorum textum tam accurate descripsit sive potius depinxit, ut apographum perfectissimam scripturae vetustissimae et pulcherrimae

que *Lib. IV. cap. 5. Tom. II. p. 146–162. et p. 307. sive Vol. III. p. 186–205. et Vol. IV. p. 13.* ex Schlütteri interpretatione, fragmentorum translationem continet.

21) Ita inscripta: C. Sallustii Crispi Historiarum Fragmenta. Divione, 1780. Hoc in libello, qui nonnullis operis Brossiani exemplis sine titulo adiectus est, p. 25–28. et p. 33. haec, de quibus agimus, Sallustii fragmenta reperiuntur cum lectionibus diversis, quas non tam ex Dousae opusculo, quo Brossium caruisse supra not. 6. docui, quam ex recentiore aliqua Salustii editione, Freinsheimii Supplementis, quae Brossius itidem collatus erat, prorsus neglectis, petitas esse apparet.

22) In Salustii editione, Vol. I. p. 253. sqq. ubi tamen in textu fragmentorum exhibendo pariter ac varietate lectionum enotanda eam, quae criticos decet, diligentiam magnopere desiderari passus est: eademque Gerlachii incuria, in his etiam, quae de horum fragmentorum editionibus ex libello meo excerptis, maxime conspicua, in causa fuit, cur Salustii editioni, a Frotschero adornatae et Vol. I. p. 210. sqq. haec fragmenta complectae, nonnullae adspargerentur labeculae, quae editionis Divionensis ope potuissent elui.

23) Vid. Sallust's Römische Geschichte nach De Brosses, von J. Ch. Schlütter, Vol. III. p. 352–357. ubi in adnotationibus ex Brossii opere excerptis haec Salustii fragmenta literis maiusculis expressa leguntur.

imaginem repraesentet²⁴⁾. Iam vero, quum has codicis antiquissimi et pretiosissimi particulas Romae in Bibliotheca Reginae adservari, Niebuhrio auctore constet, non amplius est, quod dubitemus, Vossium et Freinshemium Holmiae inter codices Petavianos has schedas reperisse, easdemque postea, quum Christina, regno deposito, Romae domicilium collocasset, cum ceteris eius libris eodem devectas et post reginae doctissimae mortem, quae in annum 1689. incidit, cum multis aliis codicibus ab Alexandro VIII. pontifice maximo emptas atque in bibliotheca Vaticana repositas²⁵⁾, apographa

24) Secundum salutem, ut adsolet, Niebuhrius haec ad me scripsit: „Ew. Wohlgebohren „haben in der sorgfältigen Bearbeitung einzelner zertrümmert erhaltener Bruchstücke von „classischen Schriften nicht nur ausgezeichnete Gelehrsamkeit und Scharfsinn an den Tag „gelegt, sondern auch eine Liebe für das Alterthum und jedes seiner Bruchstücke, die „von einigen verschmält werden, gezeigt, dass ich mich überzeugt halte, dass Mitthei- „lungen über dieselben Ihnen fortwährend interessant seyn müssen. Dies veranlasst mich, „Ihnen, ohne dass wir uns weiter bekannt sind, eine genaue Abschrift der Sallustiani- „schen Fragmente, aus den uralten Blättern selbst zu übersenden, welche nicht unbe- „deutende Berichtigungen des muratorischen Abdrucks, und einiges mehr, so wie eine „Uebersicht ihres Zusammenhangs darbietet. Jene Fragmente sind jetzt mit einer Menge „anderer, meistens unbedeutender Bruchstücke in einen Band vereinigt, der unter den „lateinischen Handschriften der Bibliotheca Reginae die Nummer 1283. trägt. Die Schrift- „züge sind in meiner Abschrift so genau, wie es sich ohne Durchzeichnung thun liess, „nachgebildet: nur ist die Schrift etwas grösser im Original. Sie stimmen ausserordent- „lich mit den Fragmenten des 91sten Buchs vom Livius überein, obgleich diese weit ele- „ganter geschrieben sind: und es lässt sich aus hiesigen Denkmählern darthun, dass diese „Schriftart im ersten Jahrhundert unsrer christlichen Zeitrechnung gebräuchlich war, wo- „mit ich freilich nicht behaupten will, dass die so geschriebenen Fragmente nicht auch „aus dem zweyten oder dritten Jahrhundert seyn könnten. Für älter als Constantin erkläre „ich sie aber mit der festesten Ueberzeugung.“ His addere placet, quae idem Niebuh- „rius in libro: M. Tullii Ciceronis Orationum pro M. Fonteio et pro C. Rabirio Fragmenta etc. Romae, 1820. p. 19. de eodem scripturae antiquissimae genere disseruit hunc in mo- „dam: „Porro autem alia est huius scripturae familia, quae ab illa priore eo discrepat, quod „literae B et F dimidia parte super ceteras eminent, H autem configuratione ad K pro- „xime accedit: hoc igitur genere scripta sunt fragmenta Livii Sallustique Romana, Ci- „ceronis Mediolanensia: quum tamen praeter hanc unam diversitatem Virgiliani codicis „Romani et fragmenti Sallustiani mira prorsus sit et quasi fraterna quaedam similitudo.“

25) Vid. J. Arckenholtz Historische Merkwürdigkeiten, die Königin Chri- „stina von Schweden betreffend. Leipzig und Amsterdam, 1752-64. Part. II. p. 385. sq.

autem Petri Danielis, Puteani et Iacobi Augustini de Chevanes diversarum poribus non ea, qua oportebat, diligentia ex iisdem esse derivata. Eo maioris igitur aestimandum est exemplum docta Niebuhrii manu ex ipsis schedis vetustissimis ita descriptum, ut de antiquo scripturae genere rectius iudicari, fragmentorum textus, librarii mendis ac lacunis maxime deformatus, certius emendari atque suppleri, et, quo ordine singula fragmenta sese exceperint, accuratius definiri possit. Atque externum quidem scripturae habitum quod attinet, in multis ille ad codicum palimpsestorum, Romae, Mediolani et Taurini repertorum, formam proxime accedit²⁶), atque librarius; de cuius orthographia in adnotationibus subiectis dicam, textum binis in qualibet pagina columnis, ex quibus deni et noveni plerumque supersunt versus, et continua verborum serie, literis minusculis non nisi bis scripturae unciali interpositis; ita exaravit, ut semel tantum in novi capituli principio litteram grandiore eamque extra lineae spatium projectam poneret, litterarum M et N defectum lineola apposita significaret, vocabulorum terminationem BUS et encliticum QUE literis B et Q exprimeret, atque litteras NT, OS, UA, UL et UO in fine versuum ita coniungeret, ut in unam figuram coalescerent²⁷). Per multos autem horum fragmentorum locos, ut nihil dicam de columnae quintae et octavae laciniis, quae a prioribus editoribus neglectae nunc demum ceteris accedunt, ex accuratissimo Niebuhrii apographo vel evidenter corrigi vel probabiliter expleri potuisse, atque tertium praecipue fragmentum, quod neque Freinsheimius ex schedis ipsis penitus eruere, neque Bimardus ex vitioso, quo utebatur, exemplo Chevano restituere valuerunt, novam plane et multo integriorem faciem induisse, ex diversitate lectionum, quam ex prioribus editionibus excerptam adnotationibus inserui, manifesto apparebit. Quo ordine porro haec Salustii fragmenta, id quod ad eorum emendationem atque explicationem plurimum interest, in

26) Cf. P. I. Brunsi Epistola ad B. Kennicottum de T. Livii Historiarum Lib. XCI. Fragmento p. 333. sq. et quae ibi adnotavimus. Atque haec ipsa fragmentorum Salustianorum cum codicibus rescriptis similitudo effecit, ut codicem, ex quo Freinsheimius illa deprompsit, itidem fuisse palimpsestum, olim existimarem.

27) Vid. Fr. III. lin. 11. et VII. lin. 12. Fr. IV. lin. 7. Fr. IV. lin. 4. et VII. lin. 14. Fr. VII. lin. 3. atque Fr. VII. lin. 18. quos locos cum Fr. I. lin. 7. et 20. ubi librarius litteras minusculas admiscuit maiusculis, in tabula lithographica exhiberi iussimus. Fracturae de conformatione litterarum B, F et H conferas velim not. 24.

codice vetusto se exceperint, uti Freinshemius cum Dousa ac Bimardo omisit investigare et Brössius frustra quaesivit²⁸), ita, Niebuhrio digitum ad rei paullo obscurioris illustrationem intendente, probabili admodum coniectura poterit expediri. Quum enim octo, quae nunc iunctim edimus, fragmenta duobus foliis inscripta sint, quorum alterum columnam primam, secundam, tertiam et quartam cum sinistra quintae ac dextra octavae columnae parte, alterum columnam sextam et septimam cum dextra quintae ac sinistra octavae columnae parte continet²⁹), priora quattuor fragmenta pariter ac sextum et septimum inter se cohaerere, certum est atque explora-

28) Primum enim Dousa tria edidit fragmenta hoc ordine: I. VII. IV. deinde Freinshemius sex fragmentorum particulas Supplementis Livianis ita inseruit: VII. I. IV. II. III. VI. tum Bimardus totidem fragmenta disposuit hoc modo: I. III. II. IV. VII. VI. denique Brössius quinque fragmenta Historiae reipublicae Romanae ita interposuit: VII. VI. II. I. IV. atque Tom. II. p. 148. haec adnotavit: „Il faudroit avoir l'original autographe même, „pour pouvoir dire s'il est écrit sur deux colonnes par page comme le Tite-Live; si les „feuillets sont écrits au verso, comme il y a toute apparence, etc. Mais ce que je puis „dire sur une matière que j'ai bien examinée, c'est qu'il ne laisse aucun soupçon de sup- „position: que les pages ou feuillets, quoique très-voisins les uns des autres, ayant tous „rapport à la même narration, pourroient ne pas avoir été immédiats et consécutifs: que „s'ils l'étoient dans l'original, les pages ont été en partie coupées d'en haut ou d'en bas, „y ayant lacune de l'une à l'autre: que l'ordre des feuillets, tel que la Bastie l'a coté, „n'est pas trop vrai ni fort exact. Je conjecture même qu'en un endroit ou deux, ce „qu'on trouve écrit de suite dans la même page, pouvoit n'être pas consécutif dans „l'original. Peut-être André Schott, ou un autre, a-t-il transcrit de suite ce qu'il a „trouvé de caractères lisibles dans les feuillets séparés du vieux manuscrit.“ Haec opinio non commenta, quae Brössium transversum egerunt, refutare nihil attinet, quum res ipsa loquatur.

29) Niebuhrius columnae tertiae et quartae in epistola ad me data haec superscripsit: „Die „Fragmente finden sich in zwey Stücken, wovon das eine auf dem unten abgezeichneten „Blatte zwey Columnen enthält. An demselben ist rechts von der zweyten Columnen dieser „Seite auch noch ein schmaler Streif befindlich, der von einem andern Blatte übrig ist, „und, wie sich versteht, auf einer Seite Enden, auf der andern Anfänge von Zeilen „enthält. Das zweyte Blatt bietet nur eine vollständige Columnen und links einen ähnlichen „Streif, der wahrscheinlich von der ersten Columnen der ersten und von der zweyten der „zweyten Seite übrig ist. Dergleichen lässt sich nur sehr unbeholfen beschreiben; ich „hoffe aber, dass es doch zu keinem Missverständniss führen kann.“ Haec magis aperta et perspicua erunt, si fragmentorum textum literis maiusculis descriptum ad Niebuhrii dicta exegeris.

tum³⁰⁾. Neque magis dubium esse videtur, fragmentum sextum et septimum quattuor prioribus esse postponendum, quum in primo fragmento Varinii milites partim auctumni gravitate aegri fuisse, partim ex postrema fuga, quum severo edicto iuberentur, ad signa redire noluisse et reliqui militiam detrectasse dicantur, in septimo autem Spartacus, priusquam reflecto exercitu adesset Varinius, Picentinis et Eburinis iugis occultus ad Nares Lucanas, atque inde ad Annii Forum pervenisse tradatur. Illud tamen ambigitur, utrum columnae quintae et octavae reliquias, quas Niebuhrius separatim descripsit³¹⁾ et, quum eum Roma digressum hac de re consuluissem, cum schedis ipsis denuo comparare non potuit, recte coniunxerim, an eadem alio modo sint ita componendae, ut singuli versus sibi invicem aptius respondeant. At quum alii utriusque columnae versus haud dubie cohaereant, alii certissima, opinor, emendatione inter se coniungi possint, et paucissimi tantum nostrae coniecturae adversari videantur, praeterea vero, id quod longe gravissimum est, columnae octavae versus sextus decimus, qui novi capituli initium praecedit, ceteris brevior sit, me, tametsi procul a bibliothecae Vaticanae pluteis remotum, tamen rem acu tetigisse, vel quovis pignore contendere ausim. Ceterum haec duo folia, quae scelestis manibus discissa

30) Idem Niebuhrius in eadem epistola verissime monuit: „Die Anordnung der Folge und „des Zusammenhangs der vier ersten und der zwey letzten unter sich ist nun wenigstens „ausgemacht, und da angestrenzte Beschäftigung mit Bruchstücken oft ein wunderbares „Licht über das Fehlende giebt, so wird es Ihnen vielleicht möglich seyn; ungefähr zu „bestimmen, wie viel Zeilen oben, und vielleicht auch unten verloren gegangen sind.“ Quum fragmentum primum et secundum atque sextum et septimum artissime cohaerere videantur, in columnarum parte superiore, id quod Fr. II. lin. 1. residua U littera demonstrat, non nisi unum, in inferiore autem, si a columna secunda et tertia discesseris, nullum versum intercidisse suspicor.

31) De his Niebuhrius in literis ad me datis haec scripsit: „Ich habe geglaubt, dass es „Ihnen angenehm seyn würde, die Fragmente, deren Bearbeitung Sie so grosse Sorgfalt „gewidmet, ganz genau so, als ob Sie das Original vor Augen hätten, zu besitzen, und „habe aus diesen Grunde auch diejenigen Stücke abgeschrieben, welche im Muratori bis „auf Kleinigkeiten richtig stehen. Die von denen, die unsre Fragmente früher abgeschrieben haben, vernachlässigten Streife weniger Buchstaben habe ich aus demselben Grunde „nicht übergehen wollen; obgleich sich auch wohl nicht das allergeringste darüber erräthen lässt.“ Nihilominus tamen has quoque particulas, licet in integrum restitui nequeant, ad omnia fragmenta rectius ordinanda maximo nobis usui fuisse, eventus docuit.

dolemus, at nostro qualicunque studio resarta laetamur, non in codice olim integro aliis interpositis fuisse disiuncta, sed pariter atque illa, quae fragmentum Livianum continent³²⁾, ex medio quaternione deprompta esse, rerum in iis narratarum series docere videtur. Quae quantumvis licet caecis interrupta sit lituris atque lacunis nullo pacto explendis, id tamen luce clarius est, has operis Salustiani reliquias, quae per varios casus ad nostram pervenerunt aetatem, pertinere ad historiam belli, ab exiguis quidem initiis profecti, sed post hominum memoriam crudelissimi ac maximi, quod a Spartaco Thrace, quem parem magis Hannibali quam similem dixeris³³⁾, cum parva gladiatorum manu Capua profugo, a. 68o. sive potius 681. post Romam conditam repente concitatum, varia deinde fortuna extractum, ac tertio demum anno a M. Crasso et Cn. Pompeio confectum est³⁴⁾, atque,

32) Non erat, opinor, cur Brunsius in Epistola ad Kennicottum p. 330. hac de re dubitaret, quum rerum a Sertorio in Hispania gestarum narratio per totum Livii fragmentum uno tenore decurrat.

33) Recte et praeclare Meissnerus in Spartaco p. 162. „Dem Spartakus gebrach, um Hannibals würdiger Bruder zu werden, nichts als die kleine Zufälligkeit, dass Hamilkar nicht „sein Vater war.“ His adde Plutarch. Crass. cap. 8. ubi, quum narrasset, fugitivos tres sibi duces elegisse, haec adiecit: ὃν πρῶτος ἦν Σπάρτακος, ἀνὴρ Θραξ, τοῦ Νομαδικοῦ γένους, οὐ μόνον Φρόνημα μέγα καὶ ἐξόμνη ἔχων, ἀλλὰ καὶ συνέσει καὶ πραότητι τῆς τύχης ἀμείνων, καὶ τοῦ γένους Ἑλληνικώτερος. Atque hanc ipsam Spartaci lenitatem ac mansuetudinem Salustius etiam, qui multo integrius et incorruptius, quam Florus III, 20. aliique Romani, de gladiatorum principe iudicasse videtur, Fr. VI. lin. 17. 18. atque Fr. VII. lin. 16–19. optime praedicavit.

34) De bello servili, quod Spartacus commovit, conferantur ex antiquioribus Plutarch. Crass. cap. 8. sqq. Appian. Bell. Civ. I, 116. sqq. Caecilius apud Athen. VI, 21. Themist. Serm. VII. ed. Hard. ibique Petav. p. 86. Liv. Epit. XCV–XCVII. Vellei. Pat. II, 30. Pseudocic. de Harusp. Resp. cap. 12. Plin. Hist. Nat. XV, 29. Gell. Noctt. Att. V, 7. Frontin. Strat. I, 5, 20. sqq. I, 7, 6. et II, 5, 34. Flor. III, 20. Eutrop. VI, 7. Ampel. cap. 41. Augustin. de Civ. Dei III, 26. Oros. V, 24. Horat. Carm. III, 14. 19. sq. Lucan. II, 554. Claudian. XXVI, 155. atque ex recentioribus prae ceteris Freinsheimii Supplem. Liv. LX–LXII. in locum libh. XCV–XCVII. T. Livii, Brossii Histoire de la République Romaine, Lib. III. cap. 58.–72. Lib. IV. cap. 2–14. 50–60. et 64–71. Meissneri Spartakus. Berlin, 1793. atque Bauri Gemählde der merkwürdigsten Revolutionen etc. Ulm, 1810. II. Vol. I. p. 15. sqq.

ut pressius definiam, res primo huius belli anno, M. Terentio Varrone Lucullo, C. Cassio Varo consulibus, per auctumnum a fugitivis Romanisque gestas complecti. In tanta igitur horum fragmentorum praestantia, quae et Salustii nomine et rei gravitate nititur, si ad rerum in iis memoriae proditarum atque ab aliis scriptoribus praetermissarum cognitionem, ex qua magnus ad illorum, quibus haec gesta sunt, temporum historiam redundabit fructus, depravata emendando et lacunosa supplendo aliquid saltem contulero atque aliorum studia ad eundem post me laborem subeundum excitavero, operae pretium fecisse existimabo.

Litterarum notae

ex Niebuhrii schedarum Vaticanarum exemplo descriptae

A B C D E F G H I L M N O P Q
R S T U X

Scripturae compendia.

I, 4.

IV, 9.

I, 12.

III, 8.

QUA TAME DEEUNTIB UNDIQ

am

en

bus

que

III, 11.

VII, 12.

IV, 7.

IV, 4.

EXEPLORAREN TRAKEBAN ICOGNITO LINGUA

nt

nt in

as

ua

VII, 14.

VII, 3.

VII, 18.

QUICQU SIML QO

uam ul uo

I, 7.

I, 20.

FUGITIUS QUATTUR

Vocabula mutilata.

I, 3.

II, 8.


V, 9.

VI, 6.

VII, 2.

VIII, 5.

NECESSARI MUNIAE QUAMC PRIL INCRES IBAIOS



I.

.....
 NITOR EREQUIB-PRAETER
 SPECIEMBELLONECESSARIA
 HAUDMULTOSECUSQUA~
 5 FERRONOCERIPOTERATAT
 UARINIUSDUMHAECAGU~
 TURAFUGITIUISAEGRAPAR
 TEMILITUMAUTUMNIGRA
 UITATENEQ-EXPOSTREMA
 10 FUGACUMSEUEROEDICTO
 IUUERENTURULLISADSIG
 NADEEUNTIB-ETQUIRELI
 QUIERANTPERSUMMAFLA
 GITIADETRACTANTIB-MILI
 15 TIAMQUAESTOREMSUUM
 C. THORANIUMEXQUOPRE
 SENTEUERAFACILLIMENOS
 CERENTUMMISERANTETTA
 MENINTERIMQUOMUO
 20 LENTIB-NUMEROQUATTUOR

II.

..... U
 NISOPERIB-COMMUN . . .
 DEINDEFUGITIUICON
 TISIÀMALIMENTISNEP . . .
 5 DANTIB-EXPROPIN
 TISINSTARETSOLITIM
 LITIAEUIGILIASSTA
 Q'ETALIAMUNIAEA
 SECUNDAUIGILIA
 10 CUNCTIEGREDIU
 LICTOBUCINAT
 TRISETADUIGIL
 PROCULUISEN
 XERANTFUL
 15 RECENTIAC
 BROSIGN
 MIDIN
 RIN
 TU
 20

III.

.....
 ... INITHS CONUERTERES..
 ... INIUSMULTAIAMLUCE
 DERANSSOLITAAFUGI
 5 CONUICIAETINCAS
 ONIECTUSLAPIDUM
 CSTREPITUSTUMUL
 ISONORESUNDIQ
 UMMITTITEQUITES
 10 UMCIRCUMPRO
 UTEXPLORARENT
 PROPEREUESTI
 SCREDENSLO
 OLAMENAG
 15 AUENSSE
 DUPLI
 CUMAS
 CA

 20

IV.

.....
 ALIQUODDIESCONTRAMO
 REMFIDUCIAAUGERINOS
 TRISCOEPITETPROMILINGUA
 5 QUAUARINIUSCONTRAS
 PECTATAMREMINCAUTAE
 MOTUSNOUOSINCOGNITOS
 Q-ETALIORUMCASIB-PER
 CULSOSMILITESDUCITTAME~
 10 ADCASTRAFUGITIUORUM
 PRESSOGRADUSILENTISIAM
 NEQ-TAMMAGNIFICESUME~
 TISPROELIUMQUAMPOSTU
 LAUERANTATQ-ILLICERTA
 15 MINICONSILIIINTERSEIUS
 TASEDITIONEMERANTCRI
 XOETGENTISEIUSDEMGAL
 LISATQ-GERMANISOBUIAM
 IREETULTROFERREPUGNA~
 20 CUPIENTIB-CONTRASPAR

V.

.....
 NISE
 NEQUA O
 IDTEMP M
 5 Q-SECLU M
 ETEXTIN L
 CURAM IS
 SETHAU MO
 QUAMC UD
 10 ALIAM SPE
 ENDAM PR.
 DENTES MI
 NOBILE PAU
 DANTQ RE
 15 PARSSTO TSAD
 FLUENT OFI
 DENSAU EPATRI
 AEINME UMI
 SERUU IUM
 20 PRAE

VI.

.....
 CON
 TIMU . UUIDL . . MADEIN
 CEPSPONETIN . AXIOAIS
 5 AGROSMAGISQ. PE . URIO
 UTEGREDIANTURUBIPRIU.
 QUAMREFECTOEXERCITU
 ADESSETUARINIUSAUGER .
 TURNUMERUSLECTISUIR ..
 10 ETPROPERENANCTUSIDO
 NEUMEXCAPTIUISDUCEM
 PICENTINISDEINDEEBURI
 NISIUGISOCULTUSADN .
 RISLUCANASATQ-INDEPRI
 15 MALUCEPERUENITADAN
 NIFORUMIGNARISCULTO
 RIB-ACSTATIMFUGITIUICO .
 TRAPRAECEPTUMDUCIS
 RAPEREADSTUPRUMUIRG .
 20 NESMATR . . . SQ-ETELUC

VII.

.....
 INCRES
 TANTESEILLUDEBANTSIMUL
 NEFANDUMINMODUMPER
 5 UERSOUOLNEREETINTER
 DUMLACERUMCORPUSSE
 MIANIMUMOMITTENTES
 ALIHNTECTAIACIEBANTIG
 NISMULTIQ-EXLOCOSER
 10 UIQUOSINGENIUMSOCI
 OSDABATABDITAADOMI
 NISAUTIPSOSTRAHEBANT
 EXOCCULTONEQ-SANCTU~
 AUTNEFANDUMQUICQUA~
 15 FUTIRAEBARBARORUM
 ETSERUILINGENIOQUAE
 SPARTACUSNEQUIENSPRO
 HIBEREMULTISPRÆCIB-QUO
 MORARETCELERITATEPRAE
 20 UERTERE SNUNTIOS

VIII.

.....
 NE
 E..... MENSU~
 O..... SCRUDE
 5 L.....UBAIOS
 A..... GRAUISPLE
 R..... ILLUMDI
 EA..... NOCTEM
 IB..... ODÜPLI
 10 CA..... ORUMNU
 ME..... RIMACU~
 LU..... NCAMPO
 SAT..... NOSEDIFI
 CIS..... ETTUM
 15 MAT..... SERANT
 AUT..... NTA
 SEDINO..... NODIEGNA
 RIEK..... UMORUM
 FUGI..... UENTA
 20MNIB

C. SALUSTII CRISPI
HISTORIARUM LIB. III. FRAGMENTA
PASSIM EMENDATA ET SUPPLETA.

... nitor aere, quibus praeter speciem bello necessariam haud multo secus quam ferro noceri poterat. At Varinius, dum haec aguntur a fugitivis, aegra parte militum autumnii gravitate, neque ex postrema fuga, cum severo edicto iuberentur, ullis ad signa redeuntibus et, qui reliqui erant, per summa flagitia detractantibus militiam, quaestorem suum C. Thoranium, ex quo praesente vera facillime noscerentur, miserat. Et tamen interim cum volentibus numero quattuor u castra magnis operibus communita. Deinde fugitivi, consumptis iam alimentis, ne praedantibus ex propinquo hostis instaret, soliti more militiae vigiliis stationesque et alia munia facere, secunda vigilia noctis cuncti egrediuntur. Relicto buccinatore in castris et ad vigillum speciem procul visentibus erexerant fulta arboribus recentia cadavera et crebros ignis fecerant. ...midin rin tu ...
..... initiis convertere.
Sed Varinius multa iam luce derans solita a fugitivis convicia et in castra coniectus lapidum, ad haec strepitus tumultuosi sonores undique praedantium, mittit equites um circum prospiculatum, ut explorarent prope vestimenta credens lo solamen ag
..... pavens se dupli cumas
..... ca Post aliquot dies contra morem fiducia augeri nostris coepit et promi lingua. Qua Varinius contra spectatam rem incusate motus novos incognitosque et aliorum casibus perculsos milites ducit tamen ad castra fugitivorum presso gradu, silentis iam, neque tam magnifice summentis proelium, quam postulaverant.

Atque illi certamine consilii iuxta seditionem erant, Crixo et gentis eiusdem Gallis atque Germanis obviam ire et ultro offerre pugnam cupientibus, contra Spartaco nis e ne qua o id temp mque seclu m et extin l curam isset haud mo quame aliud aliam spe endam pr. dentes mi nobile pau dantque re pars sto ts adfluent o fidens auxilio e patriae in me umi servu ium prae con timu. unidl ..ma deinceps monet, in . axioais agros magisque pe.urio ut egrediantur, ubi, priusquam refecto exercitu adesset Varinius, augetur numerus, lectis viris et propere nactus idoneum ex captivis ducem Picentinis, deinde Eburinis iugis occultus ad Naris Lucanas, atque inde prima luce pervenit ad Anni Forum, ignaris cultoribus. Ac statim fugitivi contra praeceptum ducis rapere ad stuprum virgines matronasque et eluc incestantes ei illudebant, simul nefandum in modum perverso volnere et interdum lacerum corpus semianimum omittentes: alii in tecta iaciebant ignis, multique ex loco servi, quos ingenium socios dabat, abdita a dominis, aut ipsos trahebant ex occulto, neque sanctum aut nefandum quicquam fuit irae barbarorum et servili ingenio. Quae Spartacus nequiens prohibere, multis precibus cum oraret, celeritate praevertere missos nuntios ne e mensum o s crudel ubaios a gravis pler illum diem noctem ibi o duplicato armatorum numero, prima cum luce in campo sat aedificiis et tum matura in agris erant autumnalia frumenta.

Sed in o no die gnari ex umorum fugi uenta omnibus

Haec hactenus. Alteram enim huius commentationis partem, quae adnotationes criticas iamiam absolutas continebit atque cum altera, quam nunc emisimus, operum Salustianorum editioni a Frotschero inchoatae aliquando adiicietur, quo minus hoc tempore addamus, angustiores impediunt limites, quibus hanc scriptionem coercere necessitate cogimur. Itaque illud agamus, quod unum nobis restat, ut in diem perendinum indicamus anniversaria Scholae Afranae sollennia, eo maiore pietate et religione celebranda, quo uberiores nobis beneficiorum, quae per superioris quoque anni decursum plurima ac maxima accepimus, recordatio laetandi et gratulandi materiam praebebit. Etenim, ut alia taceam, quae insigni Regis Augustissimi gratia et provida Summorum Virorum, quibus Scholae nostrae salutem concreditam esse gaudemus, cura nobis contigerunt haud paullo maiora, nuperrime Viri Illustrissimi et Generosissimi, Detlev Comes ab Einsiedel atque Ioannes Augustus Fürchtegott a Globig, ex voluntate eorum, qui in Britannia hoc agunt, ut librorum sacrorum studium apud externos quoque propagetur et adiuvetur, undecim Veteris ac tria Novi Testamenti exempla, typorum atque chartarum splendore maxime conspicua, muneris eximii loco ad nos transmiserunt. Horum igitur bina quotannis vel terna, exceptis iis, quae, ne huius beneficii memoria unquam abolesceret, in publica Scholae Afranae bibliotheca reposuimus, discipulis theologiae operam navaturis, qui linguae hebraicae et graecae scientia ceteris excellunt, praemiorum loco decernentur, accedentque annuis illis praemiis, quae Virorum Praestantissimorum, quos Afra quondam sinu suo fovit, liberalitate ac munificentia ante hos septem annos ita sunt constituta, ut alumnorum Regionum studia ad virtutis et doctrinae decus appetendum magis magisque excitarentur. Atque huic consilio perquam laudabili eventum egregie respondisse, per haec etiam, quae nunc quum maxime paramus, sollennia publice testabuntur decem iuvenes nobis in disciplinam traditi, qui et ipsi gratissimi sensu perfusi, et communis omnium pietatis interpretes futuri oratiunculas et carmina, non nisi passim manum emendatricem experta, hoc deinceps ordine recitabunt:

Gustavus Henricus Waetzel, Dresdensis, in scholarum publicarum flore unicum eandemque uberrimam patriae spem esse repositam, oratione latina docebit.

Carolus Otto a Kyaw, Dubenensis, praeclarum Tiedgii illud: *Die Einsamkeit ruht in der Fluth des Weltgewühls, wie eine stille, verborgne Friedensinsel*, carmine germanico explicabit.

Ludovicus Guilielmus Lorenz, Haynensis, spem Saxoniae laetissimam de Friderico Augusto Alberto, Principe recens nato, nuperrime conceptam carmine latino eoque lyrico eloquetur.

Henricus Rudolphus a Kyaw, Dresdensis, fiduciam in hominum virtute et probitate collocatam uberrimum verae felicitatis fontem esse, oratione vernacula demonstrabit.

Hermannus Gustavus Hoelemann, Baudensis, praematuram Tzschirneri mortem, quae non amicos tantum patriamque communem, sed Germaniam universam adflixit, nenia hebraica deplorabit et germanicam eius interpretationem subiunget.

Hermannus Mauritius Budich, Muscaviensis, aequabilem animi tranquillitatem carmine graeco eoque elegiaco celebrabit.

Christophorus Arndtius ab Egidy, Ottersitiensis, futura cum praeteritis artissima necessitudine coniungi, oratione vernacula declarabit.

Carolus Emilius Mareschallus a Bieberstein, Leucopetraeus, ipso anni tempore admonitus messorum labores et delicias carmine latino eoque elegiaco describet.

Fridericus Henricus Iulius Bruno a Larisch, Haynensis, Schilleri versum: *Ein grosses Herz kann nie das Unglück beugen*, carmine germanico exponet.

Ferdinandus Gruhle, Stauchensis, quantam vim habeat consuetudo cum viris sapientibus et probis in mentes animosque hominum, oratione latina docebit.

His igitur optimae spei iuvenibus ut eam, qua saepe alias magnopere laetati sumus, frequentiam et audientiam praebere, atque pro Regis Augustissimi salute et patriae universae incolumitate vota nobiscum suscipere velint, omnes omnino cives huius urbis eiusque accolas, qui nobis et rebus nostris bene cupiunt, ita rogamus atque obsecramus, ut hoc favoris et benevolentiae documentum, quo nihil disciplinae nostrae alumnis ac nobismet ipsis neque ad voluptatem iucundius, neque ad existimationem honorificentius evenire poterit, nulla unquam oblivione obscuratum iri spondeamus. Scr. in Schola Regia Afrana ipsis Calendis Quintilibus ciorccccxviii.